


瀏陽縣志



277 20270.17
38
新=1213

瀏陽縣志

同治十二年刻

續修瀏陽縣志序

自周禮大司徒掌邦國之志為
府州縣志所自倣誠以其為一
方文獻之徵而當代掌故亦取
資於是志顧不重乎於瀏志創
自前明嘉靖至

瀏陽縣志序

國

朝嘉慶戊寅凡五修同治丙寅
大府修湖南通志下其式於各
屬瀏志於是手續修計自用館
至今令瀏者接次瓜代董事諸
君或以物故或以事牽聚散不
常志經三易始脫稿壬申冬予

承乏來瀏遠丁志之成邑人士
請予一言弁其端自維謫者何
敢妄贊因請之固不獲辭爰取
其成本晰心瀏覽見其綱舉目
張事增文贍允足為徵信之書
矣顧予為瀏幸者尤有進當粵

氛肆起瀏當其衝鄰境多被繹
騷瀏獨無恙堂匪煽禍盜兵東
隅燎火方揚一撲旋滅故履險
如夷安堵如故今即其志聽之
於方域則修以坦可見地之利
焉於輿情則清以嘉可見風之

龐焉於人才則炳以蔚可見氣
之王焉於物產則阜以成可見
生之暢焉至於循良之保障團
練之精嚴興革有宜凶災有備
凡於國計民生相維繫者至周
且詳仰見生逢

鄧治累洽重熙休養涵濡二百餘年

之久海寓晏粲景運中興瀏霞
一隅亦得食舊德而服先疇享
康樂平安之福焉瀏之幸也即
志之幸也予得附名其間矧亦
予之幸也夫

昔

同治十有二年歲在昭陽作噩

仲秋月穀旦

欽加同知銜特授衡陽縣知縣調署

瀏陽縣事羅慶蕓謹撰



同治十二年仲秋瀏陽縣志告
成局中司事諸君問序於予予
謝不敏且曰志尚紀實不在繁
文一書數序已為非法況勉勵
風俗藻飾人文新舊之作珠玉
已滿前乎予實來文不足為斯

志重諸君曰空文棄補徒擾割
剝此近代刻集之通例而慎重
作文之正論也雖然此冊不可
棄君序也當丙寅歲大府議脩
湖南通志飭所屬府廳州縣有
司會同儒學續脩新志明幸紳

看集議時蒞瀏邑者為王敬一
明府領其事未幾卸篆而司訊
李君竹溆大升任去自是邑侯
瓜代者至今凡七次矣其士紳
會商遴選賢敏部署章程提揭
綱維目及審定脫稿君皆與有

力焉是斯志之始終惟君知出
竄詳豈可無一言以載其顛末
於簡端乎予曰所序之曰今郡
邑出有志即古外史寧四方出
記之遺意言必徵信事必研實
以備採擇所明學故者也瀏志

朝

自苟明嘉靖創脩多簡略至我
康熙雍正凡五脩嘉慶戊寅續
脩始詳且備迄今六十有年矣運
會推遷時移勢異今文教振興
武功崛起科名鼎盛義舉迭作
況經學氛外熾土寇內訌雖疆

瀏陽縣志

序

三

珍宴然所民苦鋒鏑其事之當
搜輯者正此時之要務也斯編
於丁卯採訪事實戊辰開局今
春付梓八幸於茲始克成帙其
中山川形勢田賦學校節孝忠
義風土人物靡不正譌補闕覈

核線該博而然治要而不繁洵
文獻之徵足信今而傳後者也
所可愧者善墀承乏斯席十有
餘年未有一善可紀一長足述
雖幸來庠厚相安無事究之譎
劣之材未盡厥職徒以朝夕勤

事與於斯文附名不朽固屬厚
幸大滋慙慙耳

誥授奉政大夫五品銜即選知縣

瀏陽縣儒學教諭加五級紀錄
五次 梔州陳善墀并隸



續修瀏陽縣志序

瀏陽於長沙郡屬爲劇邑予得傳聞者舊矣今年首夏由省垣買舟赴瀏司鐸之任甫涉其界形勢覺殊已乃步步入勝山則縱橫疊出蒼翠之色撲於客面水則滌洄相

抱清曲之致宕爲奇波夾岸村舍儼列竹木蔭翳腴田沃壤布滿山谷水涘間予既心異之而垂髻捧書扶杖高詠者每每趾錯於途倚舟可望不禁扣舷稱善以爲野處而饒有雅趣時操舟者爲瀏人笑

謂予曰吾邑之佳勝徐探始盡公
茲所見祇一班耳及抵任日與邑
人士相晉接遂因談次得瀏之梗
概十已二三焉復值續修邑乘將
成閱其稿所載山川人物風俗土
宜學校農桑禮樂祭祀壽考節孝

與夫疆域之廣狹賦稅之重輕暨
千百年建置變更治亂盛衰之原
委犁然燦然視舊志更詳且精乃
嘆瀏果劇邑嚮所傳聞者非誣而
領取於中流顧盼之際者真管見
也夫孕秀鍾靈關乎地氣式浮振

靡係於人為瀏邑磅礴鬱積層巒
峻峰不一而足予莅任日淺未獲
陟大圍之頂躋道吾之巔臨石霜
隱相之寺與臺用以攬奇弔古開
眼界而拓胸襟猶幸居邇昔賢仰
瞻祠宇挹龜山大儒之遺韻使人

懍然生道學之心緬歐陽文公之
芳徽使人曠乎動英雋之慕是則
斯邑所以尚廉恥敦風節重信義
崇文教崛起萬山之中抗衡三湘
之盛屢經兵燹流離播遷而不墜
所守久而彌昌者固由

朝廷建官設學教養培植之深抑亦
二公之精神有以維繫貫注於世
代之遠也豈徒名位赫奕光照志
乘已哉若夫邑居之壯人文之美
物產之饒事會之繁修志者例得
備及之而斯邑之增重究在彼不

在此志既竣邑諸君子屬弁數語
不揣譎陋爰為之序云

同治十二年癸酉仲秋月穀旦丁

巳補行

壬子

卯子

科舉人候選知縣實

授瀏陽縣學訓導胡運甲謹撰

舊序

明嘉靖四十年辛酉

劉耀臨堂

蕭

敷

須山

隄邑之有志猶列國之有史所以彰往昭來闡幽揚休厚風俗而寓勸懲也故傳之禹貢列之職方分之周官著之圖籍而凡載在方輿者先王重焉迨西京劉向著隄國之事東漢南陽譔風俗之篇而後隄國分合有志於今犁然舉矣然典禮綱常自古相因制度文爲隨時損益非參稽互察原始要終而推尋之雖智者不能爲臆說矣瀏陽固禹貢荊州之域而江漢之名區也故雖有志或刻而未備或錄而未刻有志於經邦考古者無所於稽也嘉靖庚申夏予知瀏陽縣事同年竹溪劉君

瀏陽縣志

舊序

亦同時來司教明年春爰相與謀修志焉劉君乃檢之圖帙詢之耆舊考古酌今提綱彙目務協輿論越數月而志成焉其志地理也而知守土焉其志建置也而知慎役焉其志學校也而知講道焉其志職官也而知樹德焉其志祭祀也而知理幽焉其志名勝也而知仰賢焉其志食貨也而知重本焉其志人物也而知表俗焉其志方外也而知崇正焉其志藝文也而古今之文獻備焉要皆有關於世教者也昔江文通以修史之難無出於志陳壽稱善敘述李延壽稱悉舊事而志獨略焉蓋繁則冗簡則疎不辨不覈不斷不法溢美則虛徇情

則私也斯志凡二卷足以備遺忘而資治教而興廢舉
曠亦略可見矣梓而行之後之有志於經邦稽古者其
亦足徵乎

舊序

康熙四年乙巳

韓燦

皇上御極之初年

燦銜

命令瀏陽

恩綸甫下卽知瀏固賦繁而民困然未審其積疲若此極也入
其境叩邑乘於故老咸不解爲何物旋思改革之後瀏
最殘苦公私廬舍之弗存志於何有於以觀乎山川疆
域邑居民數經制度物而無所於裁也以觀乎政治得
瀏陽縣志

舊序

二

失民俗緩急弛張先後而無所於稽也以觀乎風氣俗
習異同趨舍而無所於徵也燦心焉念之矣然文獻無
徵宣父致慨敢憑臆起例哉未幾欽奉

上諭凡明朝讐怨地方有糧經加科者許有司官查明具題父
老長跽泣請曰邑以陳友諒故科稅獨倍於他邑三百
年來吞聲飲泣幸仁人父母宣言之余曰斯何據云然
哉因廣搜博採捐金購募得古志一冊筆削在嘉靖辛
酉歲去今百餘年矣檢閱至食貨志云瀏糧每畝一斗
零七合古也明祖卽位有訴瀏助陳友諒餉者帝恚之
加科二斗一升四合視昔爲倍矣燦不禁緬然長思泣

然泣下也因潔忱握思伸紙陳情齋志籲訴臺司道府
諸大人亦憫念情殷齋志入告

聖天子下其事於部議柰不果蘇息燥從此執掌簿書錢穀刑

名日不暇給又懼東濕游加救過弗遑荏苒居諸忽忽
三年敢議文章緣飾之事哉幸諸上臺大人表章至治
潤色鴻猷纂次楚書彙成全帙不以殘瀾遂弗徵取檄
下嚴切燥既從事於執掌簿書錢穀刑名而曷暇及邪
爰屬其事於邑之先進長者謝而弗受也屬其事於邑
之鴻儒鉅老謝而弗受也復屬其事於同事之學博又
以典籍無存風土未諳謝而弗受也燥復周爰詢度勤

瀏陽縣志 舊序

三

求良士值有以龍子昇告者思余蒞任之始季試首拔
士非此龍子邪知龍子髫齡食餼八歷科闈而數奇艱
於一第固畱心制舉者也特未審於掌故何如耳進之
坐而與語龍子又似有志於風土民物者隨同商榷編
輯龍子苦退避余鼓其進龍子期分任余責其專迺杜
門發牘分例摛文揚推素聞網羅佚事糾剔舛譌增損
是非不數月而書成呈余鑒裁焉大都憫賦稅之繁苛
愴流圖之莫繪標綱十二首志封域而土廣人稀以賦
重故次志建置而有廢無興以賦重故志職官而催科
之難黜多陞少也志風俗而繭絲之擾昔盛今衰也若